



Eich cyf/Your ref
Ein cyf/Our ref

Mike Hedges AS
Cadeirydd
Y Pwyllgor Newid Hinsawdd, Materion Gwledig a'r Amgylchedd
Cynulliad Cenedlaethol Cymru

Gorffennaf 2018

Diolch i chi am eich llythyr dyddiedig 25 Mehefin a'r copi o adroddiad y Pwyllgor ar llywodraethu amgylcheddol.

Rwy'n croesawu diddordeb y Pwyllgor yn y maes pwysig hwn. Mae gennym stori dda i'w dweud yng Nghymru ynghylch egwyddorion a llywodraethu amgylcheddol sydd wedi dod â chydabyddiaeth ryngwladol inni. Rwy'n benderfynol o adeiladu ar hyn a sicrhau na fydd Brexit yn effeithio ar y cynnydd a wnaethom hyd yma.

Fel Llywodraeth rydym eisoes wedi ymrwymo i fynd i'r afael â'r bwch o ran llywodraethu amgylcheddol cyn gynted ag y bydd gennym gyfle i ddeddfu yn ei gylich. Mae'n bwysig inni gymryd yr amser i gydweithio â rhanddeiliaid ac rydym eisoes wedi dechrau gwneud hyn drwy fy Mord Gron ar Brexit. Mae'n bwysig ein bod yn cydweithio â chyrff amgylcheddol ar draws sectorau gan fod gan lawer o sectorau ddiddordeb uniongyrchol yn y maes hwn.

Yn unol â'ch dymuniad, byddwn yn hapus i ymateb i bob un o'r argymhellion yn eich adroddiad erbyn 8 Awst. Yn y cyfamser, mewn ymateb i'ch cais i wybod a oes unrhyw argymhellion a allai godi problemau, byddwn yn cynnig y sylwadau canlynol:

- Mae'n ymddangos nad yw nifer o argymhellion, argymhelliad chwech yn benodol, yn ystyried yn llawn gynnwys y ddeddfwriaeth a basiwyd eisoes gan y Cynulliad o ran egwyddorion a llywodraethu. Drwy Ddeddf Llesiant Cenedlaethau'r Dyfodol a Deddf yr Amgylchedd, rydym eisoes wedi cynnwys datblygu cynaliadwy ac egwyddorion amgylcheddol allweddol mewn deddfwriaeth sylfaenol. Yng Nghymru, mae hefyd strwythur gwahanol ar gyfer cyrff cyhoeddus allweddol yn y maes hwn.
- O gofio bod natur y bwloch o ran llywodraethu yng Nghymru yn wahanol iawn i unrhyw ran arall o'r DU, mae'n bwysig nad yw unrhyw gynigion yn groes i'n deddfwriaeth a'n strwythurau llywodraethu presennol nac yn cael effaith niweidiol arnynt.
- Rhaid iddynt gyd-fynd â dull gweithredu blaenllaw Cymru yn ogystal â'i ategu, a hefyd gyd-fynd yn glir â'r fframwaith rhyngwladol.

Rwy'n ddiolchgar am y cyfle i gyfrannu at y cam hwn. Fel y pwysleisiwyd yn eich adroddiad, mae hwn yn fater pwysig ac mae'n hanfodol nad oes rhuthro ar y gwaith o adolygu a mynd i'r afael â'r bwloch o ran llywodraethu gan y bydd gan unrhyw benderfyniadau oblygiadau hirdymor.

Yn gywir
Lesley

Lesley Griffiths AC/AM

Ysgrifennydd y Cabinet dros Ynni, Cynllunio a Materion Gwledig
Cabinet Secretary for Energy, Planning and Rural Affairs